



INFORME DE LEGALIDADE DA SECRETARÍA XERAL TÉCNICA SOBRE PROXECTO DE DECRETO POLO QUE SE REGULA O RÉXIME XURÍDICO DA COMISIÓN INTERDEPARTAMENTAL DE COORDINACIÓN DA ORDENACIÓN DO LITORAL

En cumprimento do disposto no artigo 43.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, esta Secretaría Xeral Técnica emite o seguinte,

INFORME

1. Obxecto

Constitúe o obxecto do presente proxecto a regulación o réxime xurídico da Comisión Interdepartamental de Coordinación da Ordenación do Litoral

2. Marco normativo e competencial

O fundamento competencial da norma proxectada atópase analizado na exposición de motivos da Lei 4/2023, do 6 de xullo, de ordenación e xestión integrada do litoral de Galicia, que establece o seguinte:

“O artigo 148.1.3 da Constitución española (CE) dispón que as comunidades autónomas poden asumir a competencia sobre «ordenación do territorio, urbanismo e vivenda». Así o fixo Galicia, recoñecendo a citada competencia e incluíndo, ademais, a ordenación «do





litoral», ao dispoñer no artigo 27.3 do seu Estatuto de autonomía (EAG) que «no marco do presente Estatuto corresponde á Comunidade Autónoma galega a competencia exclusiva sobre as seguintes materias: 3. Ordenación do territorio e do litoral, urbanismo e vivenda»

Pola súa banda, a parte expositiva da norma proxectada indica que a Lei 4/2023, do 6 de xullo, de ordenación e xestión integrada do litoral de Galicia, prevé a creación da Comisión Interdepartamental de Coordinación de Ordenación do Litoral, como órgano intrautonómico para a coordinación da elaboración, aplicación e seguimento dos instrumentos de ordenación do litoral. Así o artigo 14 establece o seguinte:

Artigo 14. Comisión Interdepartamental de Coordinación da Ordenación do Litoral.

- 1. Créase a Comisión Interdepartamental de Coordinación da Ordenación do Litoral para a coordinación da elaboración, aplicación e seguimento dos instrumentos de ordenación do litoral.*
- 2. Formarán parte desta comisión, polo menos, as persoas titulares das consellerías con competencias na ordenación do litoral, de conformidade co disposto no artigo 11 da presente lei.*
- 3. A súa composición, que deberá ser equilibrada entre homes e mulleres, e o seu réxime de funcionamento determinaranse regulamentariamente.*





O artigo 11, ao que remite o artigo 14, establece que "A Comunidade Autónoma de Galicia exerce as competencias en materia de ordenación e xestión integrada do litoral a través das consellarías que teñen atribuídas as competencias de medio ambiente; a ordenación do territorio; o mar, en particular a pesca en augas interiores, o marisqueo e a acuicultura, a ordenación do sector pesqueiro, a planificación portuaria, o control de calidade das augas interiores e costeiras e a loita contra a contaminación mariña; e, na medida en que incidan sobre o litoral, a promoción do deporte e a adecuada utilización do lecer, a ordenación do turismo e a protección do patrimonio histórico, artístico, arquitectónico e arqueolóxico de Galicia."

3. Principios de boa regulación

De acordo co artigo 129.1 da Lei 39/2015, do 1 de outubro, do Procedemento Administrativo Común das Administracións Públicas, a adecuación os principios de necesidade, eficacia, proporcionalidade, seguridade xurídica, transparencia e eficiencia xustifícase na memoria xustificativa do presente proxecto de decreto.

Así mesmo, obsérvase o cumprimento do resto do mandato contido no artigo 129 da Lei 39/2015:

- En virtude dos principios de necesidade e eficacia, a xustificación da necesidade normativa e os fins perseguidos figuran na memoria xustificativa.
- O proxecto respecta a lexislación básica comunitaria e estatal na materia, garantindo o principio de seguridade xurídica.





4. Estrutura do proxecto normativo

O decreto estrutúrase en doce artigos, dúas disposicións adicionais e dúas disposicións derradeiras.

5. Tramitación

O proxecto de decreto tramitase se conformidade co disposto nos artigos 40 a 44 da Lei 16/2010, do 17 de decembro, de organización e funcionamento da Administración xeral e o sector público autonómico de Galicia.

No expediente constátase que de acordo co disposto no artigo 41.2 da Lei 16/2010, do 17 de decembro, o proxecto de decreto acompáñase dos seguintes documentos, correspondentes á fase inicial da tramitación:

- Acordo de inicio (27/09/2023).
- Memoria Económico-financeira (28/09/2023).
- Táboa de vixencia (28/09/2023).
- Memoria Xustificativa (03/10/2023).
- Informe do servizo Técnico-Xurídico da consellería (03/10/2023).





- Aprobación Inicial (28/09/2023).

Na fase intermedia da tramitación foi sometido a os seguintes trámites:

Informes e ditames: Durante a tramitación pronunciáronse sobre o proxecto os seguintes órganos:

- Informe da Dirección Xeral da Función Pública de 2 de novembro de 2023.
- Informe da Dirección Xeral de Simplificación Administrativa de 2 de outubro de 2023.
- Informe da Dirección Xeral de planificación e orzamentos de 3 de outubro de 2023.
- Informe sobre impacto de xénero da Secretaría Xeral de Igualdade de 10 de novembro de 2023.
- Informe da subdirección xeral de Demografía e conciliación de cinco de outubro de 2023.

Con data do 28 de setembro de 2023 solicitouse informe ao Instituto Galego de Estatística, de acordo co artigo 21 da Lei 16/2021, do 20 de decembro, do Plan Galego de Estatística 2022-2026, no que se establece que o IGE debe ser consultado, con carácter previo, dos rexistros administrativos e sistemas de información susceptibles de explotación estatística, creados polos órganos e entidades do sector público autonómico,





así como das modificacións que impliquen cambios en dita explotación. O dito informe foi emitido con data 3 de novembro de 2023.

O proxecto publicouse no Portal de Transparencia da Xunta de Galicia o 14.06.2024, tal e como consta no certificado emitido pola AMTEGA na mesma data.

Na fase final da tramitación, o expediente remítese a o preceptivo informe da Asesoría Xurídica da Xunta de Galicia, emitíndose o informe en data 24 de xuño de 2024. As observacións do informe da Asesoría Xurídica foron incorporadas ao texto, de conformidade co informe emitido pola Secretaría Xeral Técnica da Consellería de Medio Ambiente e Cambio Climático, do día 12 de xullo do 2024.

A vista do anterior, e unha vez contrastada toda a documentación que consta no expediente, compróbase que a actuación desta Administración, tanto en canto á finalidade da norma como en canto á tramitación do expediente, adecouose aos principios de necesidade, eficacia, proporcionalidade, seguridade xurídica, transparencia e eficiencia, tal e como esixe o artigo 129.1 da Lei 39/2015, do 1 de outubro, de Procedemento Administrativo Común das Administracións Públicas.

6. Legalidade

De conformidade co disposto no artigo 12 da Lei 3/2014, do 24 de abril, do Consello Consultivo de Galicia, deberá someterse á emisión de ditame polo Consello Consultivo de Galicia.





De acordo co establecido no artigo 9.2 da Lei 1/2016, do 18 de xaneiro, de Transparencia e bo goberno, publicaranse os proxectos de disposicións administrativas de carácter xeral cando se soliciten os ditames aos órganos consultivos correspondentes, sen que elo supoña a apertura dun trámite de audiencia pública. O proxecto foi publicado no Portal de Transparencia e Goberno Aberto o día 17 de xullo do 2024.

Trala emisión do ditame preceptivo polo Consello Consultivo, consonte co establecido no artigo 12 c) da Lei 3/2014, do 24 de abril, do Consello Consultivo de Galicia, ao tratarse dun regulamento de execución dunha lei autonómica, o proxecto someterase á aprobación definitiva da persoa titular desta Consellería e finalmente remitirase á Comisión de Secretarios Xerais previa á súa aprobación polo Consello da Xunta de Galicia.

De conformidade co exposto, esta Secretaría Xeral Técnica informa favorablemente o proxecto de Decreto polo que se regula o réxime xurídico da Comisión Interdepartamental de Coordinación da Ordenación do Litoral.

Santiago de Compostela,
A secretaria xeral técnica
(documento asinado dixitalmente)
Carmen Bouso Montero

